

Federacija Bosne i Hercegovine
Tuzlanski kanton
OPĆINA SAPNA
Općinski načelnik

World Vision International u
Bosni i Hercegovini
Nacionalni direktor

Broj: 01-2929-02/15
Datum: 10.02.2015.

Na osnovu Odluke o izboru prioriternih projekata iz oblasti stambenog zbrinjavanja Roma u BiH, broj 01-39-1-720-1/14 od 8.10.2014. godine, Uputstva o načinu i postupku odabira korisnika projekata pomoći za stambeno zbrinjavanje Roma u BiH, koje je donio ministar za ljudska prava i izbjeglice Bosne i Hercegovine, Ugovora o prijenosu sredstava za projekat „Rješavanja problema Roma u oblasti stambenog zbrinjavanja na području općine Sapna“, broj 01-39-1-1528-2/14, od 03.12.2014. godine i na osnovu člana 41. Statuta općine Sapna („Službeni glasnik općine Sapna, broj 6/07 i 8/09), Općinski načelnik općine Sapna i World Vision International u Bosni i hercegovini, raspisuju

JAVNI POZIV ZA ODABIR KORISNIKA PROJEKTA POMOĆI ZA STAMBENO ZBRINJAVANJE ROMA

Pomoć za stambeno zbrinjavanje Roma dodjeljuje se u okviru implementacije projekta „Rješavanje problema Roma u oblasti stambenog zbrinjavanja na području općine Sapna“ iz 2014. godine, a u vezi sa realizacijom Akcionog plana za rješavanje problema Roma iz oblasti stambenog zbrinjavanja.

Ukupna vrijednost Projekta za stambeno zbrinjavanje Roma iznosi 212.592,00 KM, koji se finansira sredstvima Ministarstva za ljudska prava i izbjeglice BiH u iznosu od 180.000,00 KM, i uz učešće organizacije World Vision Internationalu Bosni i Hercegovini u iznosu od 32.592,00 KM, i ista će biti upotrijebljena za izgradnju/sanaciju/rekonstrukciju stambenih jedinica romskih porodica na lokalitetu naselja Biberovići, općina Sapna, a u skladu sa Programom rješavanja stambenog problema Roma na teritoriji općine Sapna.

KORISNICI POMOĆI

Pomoć se može dodijeliti pripadnicima romske nacionalne manjine, porodici ili zajedničkom domaćinstvu (u daljem tekstu – korisnici) koji se nalaze u potrebi za socijalnim stambenim zbrinjavanjem i/ili im je potrebno poboljšanje stambenih uvjeta.

Zajedničkim domaćinstvom se smatraju korisnici koji su članovi porodice i osobe sa zajedničke kućne liste sa mjestom stanovanja, odnosno prebivalištem na istoj adresi, a što dokazuju (1) kućnom listom i (2) CIPS prijavom za punoljetne osobe, odnosno (3) rodnim listom za maloljetne osobe sa kućne liste.

Prijavu za dodjelu pomoći mogu podnositi nosioci romskog domaćinstva (ili njen punoljetni član) u potrebi za stambenim zbrinjavanjem, koji nisu ranije koristili pomoć za sanaciju stambene jedinice dovoljnu za dovođenje stambene jedinice u minimum stambenih uslova, a nemaju stambenu jedinicu na području općine Sapna uslovnu za stanovanje.

ODABIR KORISNIKA

Odabir korisnika vršit će se na osnovu rangiranja po (A) osnovnim i (B) posebnim kriterijima.
Maksimalan mogući broj bodova koji se može dodijeliti korisniku iznosi **ukupno 215 bodova** i to:

- A. Po osnovnim kriterijima do **135 bodova**
- B. Po posebnim kriterijima do **80 bodova**

A. BODOVANJE KORISNIKA PO OSNOVNIM KRITERIJIMA:

Korisnik se boduje po osnovnim kriterijima kako slijedi:

- a) Broj članova i starosna dob članova zajedničkog domaćinstva
- b) Prijavljeno prebivalište do 1992. godine i nakon 1992. godine
- c) Zdravstveni status korisnika i članova domaćinstva
- d) Korisnik socijalnog prava
- e) Obrazovni status korisnika i članova porodice

1. Bodovanje korisnika prema kriteriju a:

Broj članova i starosna dob članova zajedničkog domaćinstvado 60 bodova

Za sve članove i starosnu dob članova zajedničkog domaćinstva utvrđuje se do 60 bodova i to:

- Za svakog punoljetnog člana zajedničkog domaćinstva5 bodova
- Za svakog maloljetnog člana zajedničkog domaćinstva10 bodova

U slučaju da broj i starosna dob članova zajedničkog domaćinstva po osnovima iz prethodnog stava prelazi maksimalno utvrđeni broj bodova, dodatni bodovi se ne dodjeljuju.

Priložiti: Broj i starosna dob članova zajedničkog domaćinstva dokazuje se za svakog člana zajedničkog domaćinstva sa ovjerene kućne liste sa izjavom i to:

- CIPS obrascima izdatim od nadležnog organa i –
- izvodima iz matične knjige rođenih (maloljetne osobe),

2. Bodovanje korisnika prema kriteriju b:

Prijavljeno prebivalište:

- do 1992. Godine.....20 bodova
- od 1992. godine do 2002. Godine.....10 bodova
- nakon 2002. Godine.....5 bodova

Bodovanje se vrši na osnovu Uvjerenja/Potvrde o kretanju podnosioca zahtjeva izdate od nadležne Policijske stanice i CIPS prijave, ne starije od 6 mjeseci.

Priložiti: Uvjerenje o kretanju izdato od strane Policijske stanice Sapna i CIPS prijavu

3. Bodovanje korisnika prema kriteriju c:

Zdravstveni status korisnika i članova domaćinstva.....do 20 bodova

Kada potencijalni korisnik i/ili član(ovi) zajedničkog domaćinstva pripadaju određenim kategorijama u stanju socijalne potrebe, utvrđuje se do 20 bodova, i to za pripadnost svakoj od sljedećih skupina pojedinačno:

- osobe sa tjelesnim i/ili mentalnim invaliditetom i civilna žrtva ratado 10 bodova,
- zdravstveno stanje (hronična oboljenja) do 10 bodova.

Kada više osoba sa ovjerene kućne liste pripada istoj ranjivoj kategoriji, bodovi se dodjeljuju samo jednoj osobi.

Priložiti: Rješenje nadležnog organa i medicinsku dokumentaciju

4. Bodovanje korisnika prema kriteriju d:
Korisnik socijalnog pravado 20 bodova

Kada potencijalni korisnik i/ili član(ovi) zajedničkog domaćinstva pripadaju ranjivim kategorijama stanovništva kojima je usljed posebnih okolnosti potrebna socijalna zaštita, utvrđuje se **do 20 bodova**, i to za pripadnost svakoj od sljedećih skupina pojedinačno:

- Korisnici socijalnih davanja.....10 bodova,
- Samohrani roditelji i staraoci ili hranitelji porodice.....10 bodova,
- Nezaposlene osobe.....5 bodova
- Penzioneri..... 5 bodova

Ako potencijalni korisnik i/ili član(ovi) zajedničkog domaćinstva pripadaju u više skupina iz prethodnog stava, broj bodova se dodjeljuje samo po osnovu pripadnosti u dvije od četiri pobrojane skupine.

Kada više osoba sa ovjerene kućne liste pripada istoj ranjivoj kategoriji, bodovi se dodjeljuju samo jednoj osobi.

Priložiti: Rješenje/Uvjerenje nadležne institucije (Centra za socijalni rad, Biroa/Zavoda za zapošljavanje), penzionim čekom ne starijim od 6 mjeseci.

5. Bodovanje korisnika prema kriteriju e:
Obrazovni status korisnika i članova porodice.....do 15 bodova

Kada potencijalni korisnik i /ili član(ovi) zajedničkog domaćinstva osiguravaju redovno obrazovanje djece i kada su i sami stekli određen stepen obrazovanja ili se nalaze u procesu sticanja određene kvalifikacije, ostvaruju **do 15 bodova**, na osnovu potvrda nadležnih obrazovnih institucija.

- Za obrazovanje djece10 bodova
- Za obrazovanje – sticanje kvalifikacije roditelja, odnosno staratelja5 bodova

Kada više osoba sa ovjerene kućne liste pripadaju istoj kategoriji, bodovi se dodjeljuju samo jednoj osobi

Priložiti: Uvjerenje/Potvrdu o redovnom školovanju. Diplomu o završenoj školi

B. BODOVANJE KORISNIKA PO POSEBNIM KRITERIJIMA

Napomena: Uslov za bodovanje po posebnim kriterijima uključuje provjeru uslova stanovanja korisnika putem službenih dokumenata i na osnovu uvida na licu mjesta (zapisnik sa obilaska terena nadležne Komisije za odabir korisnika pomoći za stambeno zbrinjavanje Roma (u daljem tekstu Komisija)

B.1 U svrhu **izgradnje** nove stambene jedinice ili izradnje i dodjele stambene jedinice za socijalno stanovanje, potencijalni korisnik pomoći ostvaruje **do 80 bodova**, i to kada je :

- beskućnik..... 80 bodova,
- u improviziranim naseljima, objektima i smještajima..... 40 bodova,
- u kolektivnim oblicima zbrinjavanja..... 30 bodova,
- u barakama 20 bodova,
- u alternativnom smještaju, uključujući i podstanare i korisnike koji žive u zajedničkom domaćinstvu sa roditeljima ili rođacima..... 10 bodova

Stambeni status i uslovnost stambene jedinice obavezno će se provjeravati uvidom u stvarnu situaciju na terenu.

Priložiti:

Rješenje o alternativnom smještaju ili ugovor o podstanarskom odnosu ili uvjerenje Centra za socijalni rad

C.1 U svrhu **poboljšanja** uslova stanovanja korisniku se utvrđuje **do 80 bodova**, kada potencijalni korisnik boravi u stambenoj jedinici koja odstupa od minimuma stambenih uslova i to:

a) I- kategorija oštećenja – manja ulaganja do 15%.....	10 bodova
b) II-kategorija oštećenja- znatna ulaganja od 15 do 40%	30 bodova
c) III-kategorija oštećenja- veća ulaganja od 40 do 60%.....	50 bodova
d) IV kategorija oštećenja – obimna ulaganja od 60 do 80%.....	60 bodova
e) V kateorija oštećenja – izradnja novog objekta do 100%*	80 bodova

* Napomena: Za V kategoriju oštećenja u pravilu je potrebna izgradnja potpuno novih stambenih jedinica

PROVJERAVANJE ISPUNJAVANJA KRITERIJA

- Potencijalni korisnik pomoći dokazuje ispunjavanje traženih kriterija dostavljanjem relevantne dokumentacije o statusu;
- Ispunjavanje kriterija provjerava se upoređivanjem podataka u izjavi potencijalnih korisnika pomoći sa informacijama dobivenim u procesu evidentiranja potreba Roma (Baza podataka o potrebama Roma) i na osnovu ostalih podataka koje prikupi komisija. Ako potencijalni korisnik nije evidentiran, može pristupiti naknadnom evidentiranju u svrhu evidentiranja njegovih potreba;
- U izuzetnim slučajevima, evidenciju u Bazi podataka o potrebama Roma može nadomjestiti izjava dva svjedoka, ovjerena od strane nadležnog organa općine Sapna.
- Pod izuzetnim slučajevima smatraju se okolnosti kada potencijalni korisnik nije evidentiran u Bazi podataka o potrebama Roma.

PROCEDURA ODABIRA KORISNIKA

- Odabir korisnika, odnosno izradu preliminarne rang liste, vrši petočlana Komisija imenovana od strane Općinskog načelnika;
- Nadzor/Monitoring nad radom Komisije vrši Ministarstvo za ljudska prava i izbjeglice BiH;
- Pravo na prigovor imaju svi učesnici na javnom pozivu i ostala zainteresirana treća lica ukoliko postoje indicije da pojedini kandidati sa preliminarne rang liste ne ispunjavaju uslove na način kako su vrednovani u preliminarnoj rang listi;
- Prigovor se putem prvostepene komisije podnosi drugostepenom organu (načelnik općine ili posebni organ kojeg imenuje) u roku od 15 dana od dana oglašavanja liste korisnika;
- Nakon prijema kompletiranih dosijea svakog podnosioca prijave od strane drugostepenog organa, drugostepeni organ razmatra podnesene prigovore i donosi odluku o njihovom odbijanju zbog neosnovanosti ili nalaže Komisiji da se lista preinači ili ponovi postupak bodovanja,
- Ministarstvo – Sektor za ljudska prava i izbjeglice i Sektor za obnovu, razvoj, monitoring i regionalne centre pripremaju i učestvuju u ovom procesu u svojstvu monitora i pružanja stručne pomoći u razrješavanju spornih slučajeva.

ZAŠTITA LIČNIH PODATAKA

U cilju zaštite ličnih podataka, podaci prikupljeni od strane podnosioca prijave/izjava će biti tretirani u skladu sa odredbama Zakona o zaštiti ličnih podataka („Službeni glasnik BiH“, broj 32/01).

Javni poziv otvoren je 15 dana od dana objavljivanja u dnevnom listu Oslobođenje i na oglasnoj ploči Općine Sapna.

Prijave, na propisanom obrascu, mogu se preuzeti na info-pultu Općine, JU Centar za socijalni rad Sapna i internet stranici općine Sapna.

Prijave sa dokazima o ispunjavanju kriterija iz Javnog poziva, dostavljaju se općinskoj Komisiji putem prijemne kancelarije općine Sapna.



Nacionalni direktor

World Vision International u BiH

Sarah Bearup